

I-түрі

Орындаған Ниязбек Алдажаров

Орындаған Жүсіпбек Елебеков

Орташа, қайратты

А-лыс-тан сер-меп, Жү-рек-тен тер-беп, Шы-мыр-лап бой-ға жа-йыл-ған.

Қи-уа-дан ша-уып, Қи-сы-нын та-уып, Та-ғы-на же-тіп қа-йыр-ған.

Тол-ға-уы тоқ-сан қы-зыл тіл, Сөй-лей-мін де-сең ө-зің біл.

Алыстан сермеп,
Жүректен тербеп,
Шымырлап бойға жайылған.
Қиуадан шауып,
Қисынын тауып,
Тағыны жетіп қайырған.

Толғауы тоқсан қызыл тіл,
Сөйлеймін десең өзің біл.

Өткірдің жүзі,
Кестенің бізі,
Өрнегін сендей сала алмас.
Білгенге маржан,
Білмеске арзан,
Надандар баһра ала алмас.

Қиналма бекер тіл мен жақ,
Көңілсіз құлақ ойға олак.

Басында ми жоқ,
Өзінде ой жоқ,
Күлкішіл кердең наданның.
Көп айтса көнді,
Жұрт айтса болды.
Әдеті надан адамның.

Бойда қайрат, ойда көз,
Болмаған соң айтпа сөз.

Қайнайды қаның,
Ашиды жаның,
Мінездерін көргенде.
Қайраттан сілкін,

Жігерлен беркін,
Деп насихат бергенде.

Ұятсыз, арсыз, салтынан,
Қалғып та кетер артынан.

Болмашы кекшіл,
Болсайшы көпшіл,
Жан аямай кәсіп қыл.

Орынсыз ыржың,
Болымсыз қылжың,
Болама дәулет нәсіп бұл?

Еңбек етсең ерінбей
Тояды қарның тіленбей.

Тамағы тоқтық,
Жұмысы жоқтық,
Аздырар адам баласын.

Таласып босқа,
Жау болып досқа,
Қор болып, құрып барасың.

Өтірік шағым толды ғой,
Өкінер уақытың болды ғой.

Атадан алтау,
Анадан төртеу,
Жалғыздық көрер жерім жоқ.

Ағайын бек көп,
Айтамын ептеп,
Сөзімді ұғар елім жоқ.

Моласындай бақсының,
Жалғыз да қалдым-тап шыным!